



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LEKUCALA (P1)

LWETI 2019

EMAMAKI: 70

SIKHATSI: Ema-awa 2

Leliphepha linemakhasi la-12.

TICONDZISO KULABAHOLWAKO

1. Leliphepha lehlukaniswe TIGABA LETINTSATFU:

SIGABA A:	Sivisiso	(30)
SIGABA B:	Sifinyeto	(10)
SIGABA C:	Takhi netimiso tekusetjentiswa kwelulwimi	(30)
2. Fundza TONKHE ticondziso ngekucaphela.
3. Phendvula YONKHE imibuto ngeSiswati.
4. Cala LESO NALESO SIGABA ekhasini LELISHA.
5. Dvweba umugca emva kwaleso naleso sigaba.
6. Tinombolo tetimpgendvulo atihambisane naleto letisephene lemibuto njengobe tinjalo.
7. Shiya umugca emkhatsini wetimpgendvulo takho.
8. Caphelisia sipelingi/lupelomagama nendlela lewakha ngayo imisho.
9. Siphakamiso sekulawulwa kwesikhatsi:

SIGABA A:	Lokungenani emaminithi la-50
SIGABA B:	Lokungenani emaminithi la-30
SIGABA C:	Lokungenani emaminithi la-40
10. Bhala ngebunono nangesandla lesifundzekako.

SIGABA A: SIVISISO**UMBUTO 1**

- 1.1 Fundza letheksthi bese uphendvula imibuto lelandzelako.

ITHEKSTHI A**KUTIMISELA KULETSA IMPHUMELELO**

- 1 Jabulile Magagula yintfombatane leyakhulela emakhaya endzaweni yaseMbalenhle esifundzeni saseMpumalanga. Yintfombi leseyikhulile leneminyaka lengemashumi lamabili nakune. Yena nebanakabo labasihlanu **bakhula bahlupheka** bakhuliswa ngunina LaNkhambule ngemadlana labeyitfolo ngekubamba ematoho epulazini lebelikhicita emazambane eBethal. Phela LaNkhambule washiya phasi sikolo asasemabangeni lasetulu ngobe afuna kondla bantfwabakhe, lokona likusasa lakhe. Jabulile, njengelitibulo kabo, bekuba ngumtfwalo wakhe kutsi asale anakekela banakabo uma unina avukele emsebentini. Utsi akatiboni ajakela kutfola umntfwana kuleminyaka lakuyo. Phela utsi budze abuphangwa. 5 10
- 2 Naye Jabulile washiya phasi sikolo ngalesikhatsi asasesikhungweni semfundvo lephakeme lapho bekafundzela umsebenti wekutfwebula titfombe newekuba ngumhleli weliphephandzaba. Lokushiya phasi kwabangelwa kweswelakala kwemali yekukhokhela tindleko tetifundvo takhe ngobe ngaleti tikhatsi bekumatima kutfola imifundzate. Imphilo yaba matima kwafika lapho asahamba afunana nemsebenti. 15
- 3 Asafundza sikolo Jabulile, wangenela tinkhulumiswano netemidlalo yasesiteji. Unetitifiketi latitfola asafundza libanga lelishumi esikolweni saseTibonele. Loko kwamvulela ematfuba lamahle ekutsi akhetfwe njengemdlali losembili lokumele adlale emdlalweni lodvumile wamabonakudze. Tintfo tacala lapho-ke kukhanya emndenini wakubo njengobe satfole umsebenti wekuba ngumlingisi lodvumile kulomdlalo wamabonakudze. Lomsebenti usintjintjile simo sasekhaya kubo. Jabulile ucale ngekulungisa likhaya lakubo, walandza banakabo lapho bebahlala khona babuyela ekhaya kubo. Make waJabulile kwamjabulisa lebekwentiwa yindvodzakati yakhe ngobe banakaboJabulile bamshiya yedvwa ahlupheka nabo batsi bayowetama kwekutiphilisa. Lokwabuye kwamjabulisa kakhulu kutsi Jabulile ambuyisele esikolweni ayewucedzelela tifundvo takhe, sikhuluma nje sewunguthishela kuyo lendzawo labahlala kuyo yasemakhaya eMpumalanga. 20 25 30
- 4 Loludvumo Iwakhe Jabulile, aluzange lumente ayibalekele indzawo yakubo ayewuhlala emadolobheni. Loku kwentiwa kutsi abekutsanza kuhlala lapho akhulele khona. Nangabe abengakayi emsebentini abevele ahambe aye ekhaya ayewuhlala nemndeni wakhe kanye nebantu lakhule nabo. Abebagceka bantu labatsi nangabe sebasebenta kahle bavele bahambe bayewuhlala emadolobheni bakhohlwe ngeminden yabo. 35

5	Umshado kwanyalo awukho enhlitiyweni yaJabulile futsi awukho etinhlelweni takhe. Kulomnyaka utsi ufunu kutufufukisa ummango wangakubo. Utsi utawuhambela tikolo tangakubo ahambe anikelela bantswana labaswele bese ufundzisa bonkhe bafundzi kutsi kwentiwa njani kute uphumelele emphilweni. Luhlelo Iwakhe lutawucala emmangweni wangakubo bese Iwengcela nakuleminye labakhelene nayo.	40 45
6	Umshado akusiyo intfo layijakile kepha lafuna kucala ngako ngulamaphupho lanawo ngemndeni wakubo kanye nesifundza sakubo. Lijaha lelitamshada utsi kumele lati kutsi lishada nemndeni wakhe wonkhe ngobe ngeke akwati kuwulahla. Lesincumo usitsetse emva kwekubona simo lakhule ngaphasi kwaso anebanakabo. Jabulile akasuye umuntfu lotitjelako. Uma afikile ekhaya uhlala nawo wonkhe umuntfu njengobe labo lababukela umdlalo lawudlalako kumabonakudze bayambona ajabulela wonkhe umuntfu.	50
7	Lentfombi ibonga ummango wangakubo ngobe awunandzaba neludvumo Iwakhe kepha umemukela njengawo wonkhe umuntfu. Akati nobe kubangwa kutsi ukhulele kuwo nobe kungaledlela laphila ngayo. Kunebantu lababongako labafaka sandla ekukhuleni kwakhe njengobe sati kutsi umntswana akasuye wemtali kuphela kepha wemmango wonkhe. Labantu bamesekela baphindze bamsita lapho abenetinkinga khona. Labantu bafaka sandla kakhulu kulomsebenti wekulingisa lakuwo njengobe bewuyintfo langayati. Ngaleso sizatfu akatiboni ehlukana nalabo bantu kanye nalomdlalo ladlala kuwo. Bantu labanyenti bayakhohlwa lapho bachamuka khona kepha yena bekusifiso sakhe kutsi achubeke adlale kulomdlalo wamabonakudze lacala kuwo.	55 60 65
8	Jabulile unesifiso sekucedzelela tifundvo takhe tekutfwebula titfombe kanye netebuhleli beliphephandzaba abe achubeka nekulingisa. Loko kutawenta kutsi abe ngulonemakhono lamanyenti. Ngekwenta njalo, <u>ugcugcutela lusha kutsi Iwati kutsi simo sasekhaya ngeke sakuvimba</u> kutsi ube nelikusasa lelichakatile.	70

[Itsetwe: ku-llanga, Indlovana 2018]

- 1.1.1 Khetsa imphendvulo yakho kuletilandzelako. Nguyiphi inkulumo lengafanela lamagama lacindzetedwe lasendzimeni yekucala kuletheksthi lengenhla?
- A Kudla indzaba
 B Kudla titsendze
 C Kudla ludzaka
 D Kudla imphundvu (1)
- 1.1.2 Khokha umusho losendzimeni yesitsatfu kuletheksthi lengenhla, lofakazela kutsi imfundvo ayinabudzala. (1)

- 1.1.3 Ngemaphuzu LAMABILI, bhala bumatima bekukhulisa umntfwana ungenamsiti ubhekise kuletheksthi lengenhla. (2)
- 1.1.4 Bantfwana bangumliba loya embili. Fakazela lenkhulomo ngemaphuzu LAMABILI lavetwe kuletheksthi lengenhla. (2)
- 1.1.5 Veta tintfo LETIMBILI letikuletheksthi letikhutsate Jabulile kutsi akhetse kufundzisa lusha Iwasesifundzeni kanye nasemmangweni wangakubo. (2)
- 1.1.6 Yini imbangela yekonakala kwelikusasa Iwelusha Iwalomuhla njengobe kwenteka kumake wajabulile endzimeni yekucala? Nika KUBILI. (2)
- 1.1.7 Catsanisa indlela lusha Iwalomuhla lolufundzile lolutsatsa ngayo tintfo nendlela Jabulile lenta ngayo endzimeni yesine. (2)
- 1.1.8 Phawula ngesento sebanakaboJabulile sekushiya likhaya lakubo kube kuhlushekwa. (2)
- 1.1.9 Utsini umbono wakho ngaloko lokushiwo nguJabulile ngemshado endzimeni ye-5 nawukucatsanisa nendlela lusha Iwalomuhla loluwutsatsa ngayo umshado? Chaza. (2)
- 1.1.10 Uvumelana kangakanani nekutsi simo umuntfu latalelwa kuso asisho lutfo ngelikusasa lakhe? Sekela imphendvulo yakho. (2)
- 1.1.11 Lenkhulomo lets, 'Lenelitfunga ayisengeli phasi', icondzene nabani kuletheksthi lengenhla? Usho ngani? (2)

1.2 Fundza lesibonwa bese uphendvula imibuto lelandzelako.

ITHEKSTHI B



[Itsetfwe: <http://www.alamypictures.com>]

- 1.2.1 Nika KUNYE lokuvetwe kulesibonwa lokungasita kutsi inkhulumo yalona lome embili ivakale kahle. (1)
- 1.2.2 Yini lekhomba kutsi Iona Iosembili kunentfo layikhomba tetsamelilwati kulesibonwa? (1)
- 1.2.3 Bhala KUBILI locabanga kutsi kwente labantfu labakulesibonwa bahlanganele ngaphandle. (2)
- 1.2.4 Uyavumelana yini nekutsi nangabe Iona lokhulumako kulesibonwa angatsatsa sikhatsi lesidze, angagcine asasele yedvwa? Sekela imphendvulo yakho. (2)
- 1.2.5 Catsanisa umugca lodvwetjwelwe endzimeni ye-8 eTheksthini A naloko lokwenteka eTheksthini B uvete budlelwano BUNYE nemehluko MUNYE lokhona? Bhala KUBILI. (4)

SAMBA SESIGABA A: **30**

SIGABA B: SIFINYETO**UMBUTO 2**

Fundza letheksthi bese uyayifinyeta ngewakho emagama langabi ngetulu kwala-80. Sifinyeto sakho sivete tintfo letisikhombisa letiveta **bungoti betinatfo letivuselela emandla**.

CAPHELA

1. Sifinyeto sakho asibe ngendlela yetindzima (emapharagrafu).
2. Sifinyeto sakho asivete emaphuzu lamcoka lasikhombisa.
3. Yetama ngalokusemandleni kusebentisa emagama akho nawufinyeta.
4. Akukadzingeki kutsi ubhale sihloko.
5. Khombisa linani lemagama lowasebentisile ekugcineni kwesifinyeto sakho.

ITHEKSTHI C**BUNGOTI BETINATFO LETIVUSELELA EMANDLA**

Bantfu labanyenti, ikakhulukati labasha, sebangene shice ekusebentiseni tinatfo letinekhafeyini lenyenti lekutsiwa tivuselela emandla emtimbeni. Lucwaningo leselwentiwe luveta kutsi letinatfo tinebungoti. Tiyingoti kangakanani emtimbeni? Kutsiwa titsako letisetjentiswako nakuphiswa letinatfo tinashukela lomnyenti nemasesidi lokuyingoti emtimbeni. Letinatfo tibanga kukhuluphala kakhulu lokungabanga nesifo sashukela lesesicedze sive.

Basubatsi labanyenti bayakutfokotela kusebentisa letinatfo ngobe tibenta babe nemdlandla kwesikhashana kantsi abakabuti elangeni. Ngekuhamba kwesikhatsi letinatfo tikwenta kutsi ube nesifo sekuwa. Umuntfu agcine asola labanye atsi bayamtsakatsa kantsi utitsakatse yena.

Nasetingene kahle engatini, umuntfu uphelelwa butfongo, acwashe busuku bonkhe. Kungalali kulimata imitsambo yengcondvo igcine ingasasebenti kahle nesikhumba sigcugce singasajabulisi ngobe singasakutfoli kumphumula.

Kadzeni bekwatiwa kutsi sifo setilondza tasesiswini sihlasela bantfu labadzala. Tintfo setintjintjile lomuhla. Sekutfolakale kutsi letinatfo tenta sifo lesibulala ngisho nelusha ngekuvitsita lingekhatsi.

Labasebentisa kakhulu letinatfo bahlala bakhatsatekile, betfuke nelite. Loko kuba nemtselela nakulabo labasondzelene nabo. Kucitseka timali kuyiwe kubeluleki nakubemanga kuyewuhlolwa inkinga yaloko kodvwa kungasiti. Inkinga isuke idalwe ngumnikati ngekuba ngutsatsekile wetinatfo letiyingoti.

Kusetjentiswa ngalokwecile kwaletinatfo kugcine sekuenta umtimba ungasakhoni kutentela tintfo. Umuntfu utsi nakavuka ajakele kuya etitolo letitsengisa lelisela lemphilo. Labanye uma bangenayo imali yekutsenga letinatfo bayakhatsateka ngobe kuba matima kucedza imisebenti lababekelwe yona.

Lolunye lucwaningo luvete kutsi inhlitiyo igcina ishayela etulu ngaletinatfo temandla. Lokubuhlungu kutsi bantfu labanyenti basebentisa letinatfo bangakayi kuyewuhlol simo semphilo yabo kubodokotela kutsi ngabe bakulungele yini kutisebentisa letinatfo. Bajatjuliswa nje kutibona baphumelela kubukana nencwaba yemisebenti yelusuku kantsi umsebenti awucedvwa. Lokubalulekile kuhlela kahle sikhatsi sakho sekwenta imisebenti kunekuyibekela likusasa.

Bantfu labasebentisa letinatfo bay a kakhulu endlini lencane bayewucitsa emanti labangelwa nguletinatfo. Umtimba ugcine ungenamanti, tinsa bese tiyoma, lokungenta kutsi tigcine tifile.

Utgubhelelani ligodzi usaphila? Ungatilamulela kulombulali ngekudla kudla lokutakunika emandla lokufaka ekhatsi emawolintji, emamatatisi nalokubabako. Kutivocavoca kanye ngelilanga kungakushiya ujabulile, unemdlandla nengcondvo lekhaliophile. Kunatsa emanti akube yinsakavukela kugezwa kwemehlo.

[Itsetfwe: kuBona, Indlovana 2018]

SAMBA SESIGABA B: 10

SIGABA C: TAKHI NETIMISO TEKUSETJENTISWA KWELULWIMI**UMBUTO 3: SIKHANGISI**


Fundza lesikhangisi bese uphendvula imibuto lelandzelako.

ITHEKSTHI D

BASHICILELI BELIKHETSELO!!!!



**SMS
5522**



SEWUNEMINYAKANYAKA UMBHALO WAKHO UNGATIWA NDZAWO?

Sibashicileli be-Intamakuphila singaletsa injabulo ebusweni bakho sikhantekile konkhe loku:

1. Siyashicilela, sikutsengisele umbhalo wakho nange-inthanethi imbala.
2. Sikutfolela i-ISBN lokuyinombolo yencwadzi yakho.
3. Sikukhangisela **umbhalo** wakho ngangcondvomshini.
4. Sifaka incwadzi yakho ku-e-book, **tinhlelo tekuchumana**, bantfu bayifundze khona ngekuyikhokhela.
5. Sikusita ngekukukhangisela ku-inthanethi.

Emaphesenti emali lobongwa ngayo la-40

[Itsetfwe: www.publishers.com]

- 3.1 Phindza ubhale lomusho lokunombolo 3 kulesikhangisi bese ugucula ligama lelicindzetzewi likhombe bukhulu bentfo. (1)
- 3.2 Yini kutsiwe emagama lamakhulu lakulesicubulo anemtselela lomuhle kulabo labakhangisako? Nika KUNYE. (1)
- 3.3 Khetsa YINYE imphendvulo. Hloba Iuni Iwenkhulumo lolu lolukulomusho lokunombolo 5 kulesikhangisi lesingenhla.
- A Inkhulumo letsatsa luhlangotsi
 B Inkhulumo leveta imfundzisolite
 C Inkhulumo lenemandla ekuphatsa
 D Inkhulumo lenekutsintsa imiva (1)
- 3.4 Hlanganisa lemisho lemibili lekunombolo ye-1 neye-2 ibe ngumusho lombici. (1)

- 3.5 Phawula ngekuvetwa kwalolomsikati kulesikhangisi. Usho ngani? (2)
- 3.6 Sebentisa libitomfutiselo lelingena ngaphasi kwalelibintana lemagama lagcanyisiwe lakunombolo ye-4 kulesikhangisi emshweni lotakhele wona. (2)
- 3.7 Yini levetwe kulesikhangisi lengenta kutsi tetsamelilwati tingayiletsi imibhalo yato kulabashicileli? Usho ngani? (2)
- [10]**

UMBUTO 4: IKHATHUNI

Fundza lekhathuni bese uphendvula imibuto lelandzelako.

ITHESKTHI E

[Itsetfwe: www.cartoonimpact.com]

- 4.1 Khokha umusho lokulekhathuni lengenhla lonenkhulomo letsatfwa njengemaciniso ibe itsintsa imiva. (1)
- 4.2 Yini lebangele kutsi kusetjentiswe lesiga senkhulomo lesikulekhathuni lengenhla? (1)
- 4.3 Ngusiphi sento salomake lesikhomba kutsi wetfukile futsi umangele? Nika SINYE. (1)
- 4.4 Akha umusho ngelitombici lelidvwetjelwe kulekhathuni lengenhla ukhombise kutsi uyayati inshokutsi yalo. (1)
- 4.5 Titfolele ligama lelisiphawulo lelingachaza simo semtimba walomake bese ulisebentisa emshweni lotakhele wona. (2)

- 4.6 Bhala saga lesingangena kulabocatjangiwe lesichaza kuvelelwa lishwa kwalobabe ngalomake lome embikwakhe. (2)
- 4.7 Ucabanga kutsi ngusiphi senteko lesikhomba emandla ekuphatsa kulekhathuni lengenhla? Usho ngani? (2)
- [10]

UMBUTO 5: IPHROZI

Fundza leteksthi bese uphendvula imibuto lelandzelako.

ITHEKSTHI F

KUHLOLWA KWEMEHLO

Nangabe kadze wagcina kuyewuhlola emehlo, lesi sikhatsi lesihle sekukwenta loko. Kusukumela etulu uyewuhlola **kunemklomelo** lomuhle. Njengobe sikhula nje, nemehlo nawo ayakhatsala, abese avilapha kubuka. Phela kadze kwasa **abukana** nebukhatikhati balomhlaba, adlojwa natintfuli netintfutu letibuya etinkapanini. Kubona kahle emehlwani kwenta kutsi ufundze kahle tincwadzi takho. Bafundzi labafaka tibuko temehlo batfola emamaki lamahle etifundvweni tabo. Abatihluphi ngekufundzela kufa nekuphila nabalungiselela luhlolo Iwekuphela kwemnyaka.

5

Labashayela timoto bayaphepha impela emgwaceni. Lucwaningo lutsi bashayeli baseMekeza abakushayi mkhuba kuyewuhlola emehlo. Linyenti lelenta lesento kulabashayeli, bafana. Lititjela kutsi leyo yintfo lefanele bomake.

10

Nangabe kunesidzingo sekutsi utfole tibuko kudokotela wemehlo, sengiso sikhatsi. Kulabo labakhala ngekutsi tikhwama tabo tite imali, **hulumende** ukwente kwaba lula kutsi tibhedlela tibe nabodokotela bemehlo bamahhala. Noma banganibuta kutsi tona letibuko lenitifikile, tibuko tini, bindzani sengatsi nifile.

Faka tibuko takho nanobe inhlitiyo ingakutfokoteli loko ngobe utawusindza nasekulaweni yinhloko lengapheli. Sive naso sitawuphepha kuletingoti letibikwa imihla le emisakatweni, letibangwa ngulabo labangafuni kutsatsa teluleko tabodokotela.

15

[Itsetfwe: Bona, 23 Indlovana 2018, Likhasi 32]

- 5.1 Phindza ubhale lomusho locindzetelwe endzimeni yesibili ulungise liphutsa lelulwimi lelikuwo. (1)
- 5.2 Mcondvofana weligama leligcanyisiwe emshweni losendzimeni yekucala uhambisana nalona lokulemisho lelandzelako:
- A Kusukumela etulu uyewuhlola **kunemholelo** lomuhle.
 - B Kusukumela etulu uyewuhlola **kunemhlatjelo** lomuhle.
 - C Kusukumela etulu uyewuhlola **kunenkhokhelo** lenhle.
 - D Kusukumela etulu uyewuhlola **kunemnikelo** lomuhle.
- (1)

- 5.3 Khokha umusho losendleleni lephocako endzimeni yekugcina kuletheksthi lengenhla. (1)
- 5.4 Yini kutsiwe sabito selucobo lesikulomusho lodvwetjelwe endzimeni yesitsatfu sisetjentiswe njengesikhombabito lesigcizelelako? (1)
- 5.5 Sebentisa libito lelicindzetelwe endzimeni yesitsatfu emshweni lotakhele wona libe ngumentiwansombo. (2)
- 5.6 Akha umusho ngesento lesicindzetelwe endzimeni yekucala, sinike umcondvo wekwentana. (2)
- 5.7 Hlobo luni Iwenkhulumo lolu loludvwetjelwe endzimeni yekucala? Sekela imphendulo yakho. (2)
[10]

SAMBA SESIGABA C: 30
SAMBA SAKO KONKHE: 70